

مرند اۆيكو

Mərənd öykü



سارى آيرىلىق

يازار: يانار اردبىلى

Web address:[www.marand-oyku.arzublog.com](http://www.marand-oyku.arzublog.com)

Facebook:[www.facebook.com/marandoyku](http://www.facebook.com/marandoyku)

Email:[rezaaydin491@yahoo.com](mailto:rezaaydin491@yahoo.com)

## ساری آپریلق یانار اردبیلی

ساری گوللوک شهردن ۳۰-۴۰ کیلومترکنارلاردا، آق اؤرتوکلو داغلارین اتکلرینده بیر دوزنگاه ایدير. اوردا ساپ- ساری گوللر یئر اوزون بوروموش و هر یانی ساری لا بویامیشدیلا. اوشاقلارین گوللره حنیفی گلیردی؛ "ایینه آتسان یئره دوشمزدی". اودور کی بیر آیقلارین گؤتوروب، اوبیری آیقلارین قویوب اوردان- بوردان آتیلا- آتیلا کنچیردیلا. آنجاق بیر آزدان هامی مشغول اولموشدور. بیر یاندا اوغلانلار توپ اویناییر، اوبیری یاندا ایسه آیدانین قیرمیزی قارمونون آناتومی اوستادی تومروس خانیم چالیردی. قیزلار هامیسی اوینا گیرمیشدیلا. بیر آزدان اوغلانلاردا توپدان ال چکیب، اونلارا یاخینلاشدیلار. قیزلار ساری گوللوکده بارماقلاری اوستونده سوزور و اوغلانلار اؤز تشویقلریله اونلارا قووت باغیشلا بیردیلا.

خئلیک اوینایاندان سونرا اونلار یورولوب بیر- بیر چکیلسه لرده، آنجاق آیدا اؤزونو هله یورولماز حیسی ائدیردی. اونون ال- ایغینی گؤرمک اولموردو؛ فیرلاناندا قارا ساچلاری چیگینلری اوستوندن اوچوردو. بئله بیر واخت "آیدین"ین آندیغی بیر دسته ساری گول اونون باشینین اوستونده سپه لندی. گول لئچک لری اوشاقلارین هوراسینا قاریشدی.

\*\*\*

اوزاقلاردان گلن های- کوی سسی یاخینلاشماقدایدی. بیردن های دوشدو:

- چکیلین کنار، چکیلین کنار! بوردان دمیر یول چکیریک.

یئرسیز گؤرون بو هایقیریق اوشاقلاری دیسکیندیریپ، رقصین هاواسیندان آبیردی. تعجبون یئرلرینده دونوب قالدیلار.

ایشچیلر و یول چکن ماشینلار آرتیق گلیب دوشرگه یه چاتمیشدیلا. تومروس خانیم یول چکنلری ایشده جیددی گؤردوکده، دؤنوب آرخایا- ساری گوللوگو- سونونجو دفعه دقتله نظردن کنچیرتدی. آیدا باشا دوشدو کی تومروس خانیم ساری گوللوگون ناخیشلارینی گؤزلرینه هویوزدوروب، اوره یینه حک ائله مک ایسته ییر. سانکی چاره سیز آدام کیمی ایدی.

بیر نچه دقیقه دن سونرا اوشاقلار هامیسی یولچکنلرین اؤنوندن کنار چکیلیپ، بیر آز کناردان اونلارا تاماشا قیلدیلا.

بولدوزر گولشنی سؤکوب، بیر خطین اوستویله ایره لی له بیردی. اونون آردینجا آغیر ماشینلار تورپاقلاری یاتیردیپ، برکیدیر و اونلارین آرخاسینجا ایسه ایشچیلر چیگینلرینده تاختالاری گنیریپ، یئره باسدیریپ، اوستوندن دمیر خطلری دوزوردولر.

آيدا آتاسين اوزاقدان تانیدی. ايشچىلرين جيريقي پالتارلارى يئل اسديكجه اسيرديلر. اونلار هاميسى آريق اولسالاردا، آيدانين آتاسى هاميدان آريق و اوستو باشى جيليز گۆرسه نيردى. آيدانين اوره يى دؤيونتويه دوشدو.

آتا چيگينينده كى تاختانى يئره قويوب، اوشاقلارا سارى باخاندا، آيدا اؤزون قيزلارين آراسيندا گيزلتمك ايسته بيردى. آتا دوم- دوز داينيب، اؤيرنجى لره سارى باخاراق، آيدا حاقيندا دوشونوردو. آيدايسه قيزلارين آرخاسيندان گۆزلرين آتاسينين هئيكلينه زيلله ميشدى. او آتاسين هر زاماندا آريق گؤروردو. آتاسين صيغتينين سوموكليده گۆزه چارپيردى. ساچلارى بام- بيض اولموش، گۆزلى ايسه چوخورا دوشموشدو. آيدانين اوره يى آليشدى. گۆزلريندن ايكي دامجى ياش آخماق ايسته دى. او گۆز ياشلارينا آمان وئرمه ييب، الينين داليسيلا اونلارى محو ائتى.

آتاسين اوره يى ايسته بيردى غرور حيسى ايله اؤيرنجى لره دئسين كى، اونوندا گۆزهل و گؤيچك اؤيرنجى بير بالاسى وار و ايندى او بالاسى اؤيرنجيلرين آراسيندا دير. آنجاق باجارا بيلمه دى. قايديب باشقا بير تاختانين اوجوندان ياپيشدى.

آيدانين نيگران باخيشلارى آتاسيندان اوزولمه ميشدى كى گوردو آتاسى نه قدهر گوج وئيرسه، تاختانى يئرندن قالديرا بيلمير. و نهايت او اؤزوده تاختانين يانينا بيخيليب، اوزاندى. ايشچى لر آتاسين دؤره سيني آليب، صلوات سسينه اوخشار هاى- كوى قوپارديلار. بيريسى دعا اوخوياراق آتاسى سسله يير، بيريسى ايسه اوزونه سو سپيردى. آنجاق آتاسين چوخدان بدننى سويماغا باشلاميشدى. اونون آتا اوره يى بير يوللوق ساريليغا قارشميشدى.

آيدانين آلنى دويونلنيب، آنجاق هله ده فاجعه نين نه اولدوغونو باشا دوشموردو. او اؤزونو زورلا ساخلايردى. اؤزو اوشاقلارين ايچينده اولاراق، اوره يى آتاسينين بيخيلديغى يئرده چيرپينيردى. او آيدنين - نيهه بيردن حالين پوزولدو آيدا؟- سوالينين جاوايندا يالنيز دولغون گۆزلىله اوزاقلارا باخيردى. آيدانين آتاسى ايشچيلرين چيگينلرينده يولا دوشموشدو.

گون باتان چاغى هامى دوشرگه دن قايديب، شهره دوغرو گليرديلر. آيدانين گۆزلى اؤنونه، سارى پرده اوزه رينده بير آريق كيشى نين هئيكلى يولداشلارينين چيگينينده بيرغالانيردى. گوللرى سولموش دوزنگاهين اورتاسيندان بير قاتار نعره چكه- چكه گئديردى. قاريشقالار تورباغين سينه سينده نه يين سوراغيندا ايسه قايناشيرديلار